

O'ZBEKISTON RESPUBLIKASI
ADLIYA VAZIRLIGIDA
DAVLAT RO'YXATIDAN O'TKAZILDI
RO'YXAT RAQAMI: 3215
20 yil 31 yanvar



ЎЗБЕКИСТОН РЕСПУБЛИКАСИ МУДОФАА ВАЗИРЛИГИНИНГ
ЎЗБЕКИСТОН РЕСПУБЛИКАСИ ИЧКИ ИШЛАР ВАЗИРЛИГИНИНГ
ЎЗБЕКИСТОН РЕСПУБЛИКАСИ
ФАВҚУЛОДДА ВАЗИЯТЛАР ВАЗИРЛИГИНИНГ
ЎЗБЕКИСТОН РЕСПУБЛИКАСИ ДАВЛАТ ХАВФСИЗЛИК ХИЗМАТИНИНГ
ЎЗБЕКИСТОН РЕСПУБЛИКАСИ МИЛЛИЙ ГВАРДИЯСИННИНГ
ҚАРОРИ

Муддатли ҳарбий хизматни ўтаётган ҳарбий хизматчиларга
Ўзбекистон Республикаси олий таълим муассасаларига
ўқишига кириш учун тавсияномалар бериш тартиби тўғрисидаги
низомни тасдиқлаш ҳақида

Ўзбекистон Республикаси Президентининг 2019 йил 5 июлдаги ПФ-5759-сон
“Ўзбекистон Республикаси Президентининг айрим хужжатларига ўзгартириш
ва қўшимчалар киритиш, шунингдек, баъзиларини ўз кучини йўқотган деб ҳисоблаш
тўғрисида”ги Фармони ва 2012 йил 31 майдаги ПҚ-1765-сон “Ўзбекистон Республикаси
Куролли Кучлари сафида муддатли ҳарбий хизматни ўтаб бўлган фуқароларга
имтиёзлар тизимини такомиллаштиришга оид қўшимча чора-тадбирлар тўғрисида”ги
қарорига мувофиқ Ўзбекистон Республикаси Мудофаа вазирлиги, Ички ишлар вазирлиги,
Фавқулодда вазиятлар вазирлиги, Давлат хавфсизлик хизмати ва Миллий гвардияси
қарор қиласди:

1. Муддатли ҳарбий хизматни ўтаётган ҳарбий хизматчиларга Ўзбекистон
Республикаси олий таълим муассасаларига ўқишига кириш учун тавсияномалар бериш
тартиби тўғрисидаги низом иловага мувофиқ тасдиқлансин.

2. Мазкур қарор расмий эълон килинган кундан эътиборан кучга киради.

Мудофаа вазири

Тошкент ш.

2019 йил “30”
46 -сон

Ички ишлар вазири

Тошкент ш.,

2019 йил “30”
12,
105 -сон

Б. Курбанов

П. Бобожонов

Фавқулодда вазиятлар
вазири в.б.



Т. Худайбергенов

Тошкент ш.,
2019 йил “30” 12,
36 - сон



А. Азизов

Тошкент ш.,
2019 йил “30” 12,
39 - сон



Б. Ташматов

Тошкент ш.,
2019 йил “30” 12,
35 - сон

Ўзбекистон Республикаси Мудофаа вазирлиги,
Ички ишлар вазирлиги, Фавқулодда вазиятлар
вазирлиги, Давлат хавфсизлик хизмати ва Миллий
гвардиясининг 2019 йил 30 декабрдаги
46, 105, 36, 39 ва 35-сон қарорига
ИЛОВА

**Муддатли ҳарбий хизматни ўтаётган ҳарбий хизматчиларга
Ўзбекистон Республикаси олий таълим муассасалариға ўқишига
кириш учун тавсияномалар бериш тартиби тўғрисидаги
НИЗОМ**

Мазкур Низом Ўзбекистон Республикаси Президентининг 2012 йил 31 майдаги ПҚ-1765-сон “Ўзбекистон Республикаси Қуролли Кучлари сафида муддатли ҳарбий хизматни ўтаб бўлган фуқароларга имтиёзлар тизимини такомиллаштиришга оид қўшимча чора-тадбирлар тўғрисида”ги қарорига мувофиқ муддатли ҳарбий хизматни ўтаётган ҳарбий хизматчиларга Ўзбекистон Республикаси олий таълим муассасалариға ўқишига кириш учун тавсияномалар (бундан буён матнда тавсиянома деб юритилади) бериш тартибини белгилайди.

1-боб. Умумий қоидалар

1. Тавсияномалар Ўзбекистон Республикаси Қуролли Кучлари сафида муддатли ҳарбий хизматни ўтаб бўлган, жанговар ва маънавий-маърифий тайёргарлик бўйича юксак натижаларга эришган, зарурий билим савиясига эга, намунали ҳарбий интизомини намоён этган энг муносиб ҳарбий хизматчиларга берилади.

2. Ўзбекистон Республикаси Қуролли Кучлари сафида муддатли ҳарбий хизматни ўтаб, тавсияномага эга бўлган фуқаролар қуйидагиларга:

республиканинг олий ҳарбий таълим муассасаларидаги тегишли таълим йўналишларига ўқишига киришда тест синовлари натижаларига кўра ўзлари тўплаган балларининг 50 фоизи миқдорида қўшимча балл шаклидаги имтиёзга;

республиканинг олий таълим муассасалари (олий ҳарбий таълим муассасалари бундан мустасно) бакалавриатига ўқишига кириш учун олий таълим муассасалариға қабул параметрларидан ташқари ажратиладиган алоҳида қабул кўрсаткичлари доирасида танловда иштирок этиш хукуқига эга бўладилар.



3. Ўзбекистон Республикаси Қуролли Кучлари сафида муддатли ҳарбий хизматни ўтаган фуқароларга берилган тавсияномалар, улар берилган санадан бошлаб уч йил мобайнида амал қиласи.

2-боб. Жанговар ва маънавий-маърифий тайёргарлик натижалари учун балларни ҳисоблаш

4. Гурух (бўлинма) командирлари томонидан ўқув йили дастури асосида муддатли ҳарбий хизматчиларнинг жанговар ва маънавий-маърифий тайёргарлик натижалари бўйича рейтинг кўрсаткичлари юритилади.

5. Муддатли ҳарбий хизматчиларнинг жанговар ва маънавий-маърифий тайёргарлик натижалари бўйича рейтинг кўрсаткичлари уларга ўқув фанларидан қўйилган баҳоларнинг ўртача кўрсаткичини ҳисоблаш орқали аниқланади.

6. Ўқув фанларидан қўйилган баҳоларнинг ўртача кўрсаткичи бутун ўқув йили давомида жанговар ва маънавий-маърифий тайёргарлик журналларида қайд қилиб борилади.

7. Жанговар ва маънавий-маърифий тайёргарлик журналларида муддатли ҳарбий хизматчига ўқув фанларидан қўйилган баҳолар унинг якуний ўртача кўрсаткичини ҳисоблаб чиқариш учун асос бўлади.

8. Жанговар ва маънавий-маърифий тайёргарлик журналларида қайд қилинган баҳолар мазкур Низомнинг тегишиллигига кўра 1 ва 2-иловаларига мувофиқ шакллардаги жадвалларга киритилади ҳамда ўқув фанларининг қўйилган баҳонинг ойлик ёки якуний ўртача кўрсаткичи ҳисоблаб чиқарилади.

Бунда, барча ўқув фанларидан қўйилган баҳолар йифиндиси ўтилган ўқув фанларининг сонига бўлинади. Масалан, агар муддатли ҳарбий хизматчи ой давомида отиш тайёргарлиги машғулотларида 4 баҳо, тактик тайёргарлик машғулотларида 5 баҳо, маънавий-маърифий тайёргарлик машғулотларида 4 баҳо олган бўлса, ўртача кўрсаткич қуидагича ҳисобланади: $4+5+4=13$; $13:3=4,3$.

9. Ўқув йили якунида тест синовлари ўтказилишидан олдин ҳарбий қисм шахсий таркиби рўйхатида бўлган ҳамда ўқув фанларидан қўйилган баҳоларнинг якуний ўртача кўрсаткичи 4,0 дан юқори бўлган муддатли ҳарбий хизматчиларга 1 балл берилади.

Бунда, ўқув фанларидан қўйилган баҳоларнинг якуний ўртача кўрсаткичи 4,0 дан юқори бўлган муддатли ҳарбий хизматчиларга қуидаги тартибда балл берилади:

4,0 дан 4,3 гача – 10 балл;

4,4 дан 4,7 гача – 15 балл;

4,8 дан 5,0 гача – 20 балл.

ДВЛАТИ
ЎҲАТН
ТКАЗИЛ

DAVLAT
UYHATN
TKAZIL

10. Ўкув фанларидан қўйилган баҳоларнинг якуний ўртача кўрсаткичи 4,0 дан паст бўлган муддатли ҳарбий хизматчига балл берилмайди.

11. Ўкув фанларидан қўйилган баҳоларнинг якуний ўртача кўрсаткичи учун берилган баллар мазкур Низомнинг 3-иловасига мувофиқ шаклдаги Рейтинг натижаларининг йиғма жадвалига киритилади.


12. Ой якуnlари бўйича ҳар ойда муддатли ҳарбий хизматчиларнинг ўкув фанларидан қайд этган кўрсаткичлари умумлаштирилиб, мазкур Низомнинг 1-иловасига мувофиқ пасайиб бориш тартибида тузиладиган Рейтинг натижаларининг ойлик жадвали расмийлаштирилади ҳамда взвод (бўлинма) командирларининг ўринбосарлари билан келишилган ҳолда ҳар ойнинг тўртинчи пайшанба куни батальон (батальонга тенглаштирилган бўлинма) командирига тақдим этилади. Рейтинг натижаларининг ойлик жадвали муддатли ҳарбий хизматчилар хизмат муддатини ўтаб бўлганидан кейин беш йил давомида сақланади.

13. Батальон командири взвод (бўлинма) командирлари томонидан тақдим қилинган муддатли ҳарбий хизматчиларнинг рейтинги ҳақидаги маълумотларни умумлаштиришни ташкиллаштириб, мазкур Низомнинг 2-иловасига мувофиқ Ўртача кўрсаткичлар рейтинг жадвалини расмийлаштиради ва батальон командирининг ўринбосарлари билан келишган ҳолда ҳар ойнинг тўртинчи жума куни ҳарбий қисм командирига тақдим этади. Ўртача кўрсаткичлар рейтинг жадвали муддатли ҳарбий хизматчилар хизмат муддатини ўтаб бўлганидан кейин беш йил давомида сақланади.

14. Ҳарбий қисм командири бутун ўкув йили давомида муддатли ҳарбий хизматчилар рейтинг натижаларининг ойлик мониторинги олиб борилишини таъминлаши лозим.

15. Жанговар ва маънавий-маърифий тайёргарлик журналлари муддатли ҳарбий хизматчиларнинг баҳолари қайд этиб бориладиган асосий хужжат ҳисобланади ҳамда уларга ўзgartiriшлар киритилмаслиги ва бут ҳолатда сақланиши учун гурух (бўлинма) командирлари масъул бўлади.

Ушбу журналларнинг тўғри юритилиши ва баҳоларнинг ҳаққонийлигини текшириб бориш мақсадида ҳар ойда бир марта взвод (бўлинма), батальон командири ва унинг ўринбосарлари томонидан ўрганиш тадбирлари ўтказилади. Ўрганиш натижалари унда иштирок этган шахслар томонидан имзоланган ҳолда тегишли журналларга қайд этиб борилади.



3-боб. Намунали ҳарбий интизом учун балларни ҳисоблаш

16. Ҳар бир ҳарбий қисмдаги ҳарбий интизом ҳолати холисона қайд этиб борилиши зарур. Намунали ҳарбий интизом учун ҳарбий хизматчиларга балларни чиқаришда холисона қарор қабул қилиш масъулияти гурух, взвод, батальон ва ҳарбий қисм командирларининг зиммасига юкланади.

17. Агар муддатли ҳарбий хизматчи Ўзбекистон Республикаси Куролли Кучларининг Интизом низомида кўзда тутилган тартибда намунали ҳарбий интизом учун рағбатлантирилса (олдин берилган интизомий таъзирни бекор қилиш ҳоллари бундан мустасно), ҳарбий қисм командири томонидан унга қўшимча 10 балл қўйилади.

18. Муддатли ҳарбий хизмат давомида неча марта рағбатлантирилганидан қатъи назар, муддатли ҳарбий хизматчиларга намунали ҳарбий интизоми учун 10 баллдан ортиқ балл қўйилмайди.

Намунали ҳарбий интизом учун бериладиган балл мазкур Низомнинг 3-иловаси тегишли устунига киритилади.

19. Муддатли ҳарбий хизматчиларнинг барча рағбатлантирилишлари ҳарбий қисм командирларининг буйруқлари билан эълон қилинади.

Ҳар бир муддатли ҳарбий хизматчини рағбатлантириш масаласи унинг жанговар ва маънавий-маърифий тайёргарлик кўрсаткичларини инобатга олган ҳолда бевосита ҳарбий хизматчи командирининг берган тавсиясига асосан кўриб чиқилади.

20. Муддатли ҳарбий хизматчи учун берилган рағбатлантиришлар ҳақидаги маълумотлар унинг хизмат варақасига қайд этиб борилади.

21. Тест синовлари ўтказилишидан беш кун олдин мазкур Низомнинг 3-иловасига мувофиқ шаклда Рейтинг натижаларининг йигма жадвали тузилади. Рейтинг натижаларининг йигма жадвали бевосита командирлар, командир ўринbosарлари томонидан имзоланади ҳамда ҳарбий қисм командири томонидан тасдиқланади.

22. Рейтинг натижаларининг йигма жадвали ҳарбий қисм командири томонидан тасдиқланганидан сўнг берилган рағбатлантиришлар учун балл қўйилмайди.

23. Рейтинг натижалари йигма жадвалининг нусхаси ҳарбий қисм командирининг биринчи ўринbosари – штаб бошлиги (унга тенглаштирилган шахс) томонидан имзоланади ва ҳарбий қисмнинг гербли мухри билан тасдиқланади ҳамда тест синовлари бошланишидан уч кун олдин бўлинмаларда кўринадиган жойга илиб қўйилади.



24. Рейтинг натижаларининг йигма жадвали муддатли ҳарбий хизматчилар хизмат муддатини ўтаб бўлганидан кейин беш йил давомида сакланади.

4-боб. Тест синовларини ўтказиш

25. Муддатли ҳарбий хизматчилар томонидан жанговар ва маънавий-маърифий тайёргарлик дастурларининг ўзлаштирганлигини якуний баҳолаш, шунингдек уларнинг билим даражасини текшириш мақсадида Ўзбекистон Республикаси Вазирлар Маҳкамаси ҳузуридаги Давлат тест маркази (бундан бўён матнда ДТМ деб юритилади) томонидан ҳар бир ҳарбий қисмда тест синовлари ўтказилади.

Тест синовларига барча муддатли ҳарбий хизматчилар киритилади.

26. Тест синовларини ўтказиш муддати тегишли вазирликлар, давлат қўмиталари ва идоралар томонидан ДТМ билан келишилган ҳолда белгиланади.

27. Тест синовлари ўтказилишидан бир ой аввал тегишли вазирликлар, давлат қўмиталари ва идоралар томонидан ДТМ билан ҳамкорликда Ўзбекистон Республикаси Қуролли Кучларининг қўшин турларидаги жанговар-хизмат вазифаларнинг хусусиятларини инобатга олган ҳолда муддатли ҳарбий хизматчиларнинг тайёргарлик дастурларига мос намунадаги тест саволлари тузилади.

28. Математика ва физика фанлари бўйича ҳамда мантикий тест саволлари ДТМ томонидан тегишли вазирликлар, давлат қўмиталари ва идоралар иштирокида умумтаълим ва ўрта маҳсус таълим муассасаларидаги ўқув дастурларини инобатга олган ҳолда тузилади.

29. Тест саволлари муддатли ҳарбий хизматчиларнинг жанговар ва маънавий-маърифий тайёргарлик дастурларидаги ўзгаришларни инобатга олган ҳолда ҳар йили тегишли вазирликлар, давлат қўмиталари ва идоралар томонидан ДТМ билан ҳамкорликда қайтадан кўриб чиқилиши лозим.

30. Муддатли ҳарбий хизматчилар учун мўлжалланган тест саволларининг **DAVLAT 'YXATID TKAZILI** умумий сони 100 та бўлиб, уларнинг 40 таси – жанговар тайёргарлик, 20 таси – маънавий-маърифий тайёргарлик, 10 таси – математика фани, 10 таси – физика фани бўйича тест саволларидан, шунингдек қолган 20 таси – мантикий тест саволларидан иборат бўлади.

Ҳар бир тўғри жавоб учун: жанговар тайёргарлик бўйича – 1,2 балл, маънавий-маърифий тайёргарлик бўйича – 1,1 балл, математика бўйича – 1 балл, физика бўйича – 1 балл, мантикий саволлар бўйича – 1 балл берилади.

31. Тест синовларини ўтказишнинг умумий вақти 3 соатни ташкил этади. Бунда, тест синови учун 2 соат 30 дақиқа, жавоблар варажасини тўлдириш учун 30 дақиқа ажратилади.

32. ДТМдан тест синовларининг натижалари ҳақида расмий маълумотлар олинганидан сўнг, ҳар бир ҳарбий қисмда тест синовларининг натижалари ва муддатли ҳарбий хизматчиларнинг ҳарбий хизмат мобайнида тўплаган баллари кўрсатилган, мазкур Низомнинг 4-иловасига мувофиқ шаклдаги Якуний жадвал тузилади.

Якуний жадвал тўпланган балларнинг пасайиб бориши тартибида тузилади ҳамда муддатли ҳарбий хизматчилар хизмат муддатини ўтаб бўлганидан кейин беш йил давомида сақланади.

33. Якуний жадвал нусхаси ҳарбий қисм командиригининг биринчи ўринбосари – штаб бошлиги (унга тенглаштирилган шахс) томонидан имзоланади ва ҳарбий қисмнинг гербли мухри билан тасдиқланади ҳамда ДТМдан олинган тест натижаларига оид расмий ҳужжатларнинг нусхалари билан биргаликда кўринадиган жойга илиб қўйилади.

34. Ҳарбий қисмларнинг саф бўлимида мазкур Низомнинг 1 – 4-иловаларига мувофиқ шаклда тузилган жадваллар рўйхатга олинади ва уларнинг қатъий ҳисоби юритилади.

5-боб. Тавсияномаларни бериш

35. Тавсиянома бериш тўғрисидаги якуний қарорни қабул қилиш мақсадида гурух (бўлинма), батальон, взвод командирлари, шунингдек ҳарбий қисм командири ва унинг ўринбосарлари ҳамда муддатли ҳарбий хизматчилар иштирокида якуний йиғилиш ўтказилади. Якуний йиғилиш давомида ҳар бир муддатли ҳарбий хизматчининг хизмат фаолияти баҳоланади, тест синовларининг натижалари, намунали ҳарбий интизоми ва ўқув фанларидан қўйилган якуний ўртача кўрсаткичи учун берилган балларининг (агар мавжуд бўлса) умумий йифиндиси жамланади ҳамда муддатли ҳарбий хизматчиларга эълон қилинади.

36. Якуний йиғилиш натижалари баённома билан расмийлаштирилади ва ҳарбий қисм командири томонидан тасдиқланади.

Муддатли ҳарбий хизматчига тавсиянома бериш тўғрисида холисона қарор қабул қилиш масъулияти шахсан ҳарбий қисм командирининг зиммасига юкланади.

37. Бериладиган тавсияномаларнинг умумий сони ҳарбий қисм шахсий таркиби рўйхатида бўлган муддатли ҳарбий хизматчилар сонининг 40 фоизидан ошмаслиги керак, мазкур банднинг иккинчи хатбошисида кўрсатилган ҳоллар бундан мустасно.



Бир нечта ҳарбий хизматчилар тенг миқдорда балл тўплаши натижасида 40 фоизли чекловга амал қилишнинг имкони бўлмаган тақдирда балларнинг пасайиб бориш тартиби бўйича чеклов доирасига кириши лозим бўлган охирги муддатли ҳарбий хизматчи билан тенг миқдорда балл тўплаган ҳарбий хизматчиларнинг барчасига тавсиянома берилиши лозим.

38. Хизмат мобайнида Давлат мукофотлари билан тақдирланган муддатли ҳарбий хизматчилар тест синовларининг натижаларидан қатъи назар тавсиянома олиш хукуқига эга бўлади.

39. Муддатли ҳарбий хизматни ўташ мобайнида қўпол интизомий хатти-харакатлар содир этган муддатли ҳарбий хизматчиларга, агар улар бўйича хизмат суриштирувлари ўтказилган ва ҳарбий қисм командирларининг тегишли буйруқлари мавжуд бўлса, тўплаган якуний баллари миқдоридан қатъи назар тавсиянома берилмайди.

40. Ҳарбий қисм командирининг тавсиянома берилган муддатли ҳарбий хизматчини ҳарбий қисм шахсий таркиби рўйхатидан чиқариш тўғрисидаги буйруғи куйидаги мазмундаги банд билан тўлдирилади:

“Ўзбекистон Республикаси Президентининг 2012 йил 31 майдаги ПҚ-1765-сон “Ўзбекистон Республикаси Куролли Кучлари сафида муддатли ҳарбий хизматни ўтаб бўлган фуқароларга имтиёзлар тизимини такомиллаштиришга оид қўшимча чора-тадбирлар тўғрисида”ги қарорига мувофиқ ўз ҳарбий бурчини вижданан адо этган _____ га Ўзбекистон Республикаси олий ҳарбий таълим муассасаларидағи тегишли таълим йўналишларига ўқишга киришда тест синовлари натижаларига кўра ўзи тўплаган баллининг 50 фоизи миқдорида қўшимча балл шаклидаги имтиёз, шунингдек олий таълим муассасалари (олий ҳарбий таълим муассасалари бундан мустасно) бакалавриатига ўқишга кириши учун тегишли ўқув йилига тасдиқланадиган олий таълим муассасаларига қабул параметрларидан ташқари алоҳида қабул кўрсаткичлари доирасида танловда иштирок этиш хукуқини берувчи тавсиянома берилди.”.

41. Ҳарбий гувоҳноманинг “Алоҳида қайдлар” бўлимига қуйидаги мазмундаги жумла ёзиб кўйилади:

“Ўзбекистон Республикаси олий ҳарбий таълим муассасаларидағи тегишли таълим йўналишларига ўқишга киришда тест синовлари натижаларига кўра ўзи тўплаган баллининг 50 фоизи миқдорида қўшимча балл шаклидаги имтиёзга, шунингдек олий таълим муассасалари (олий ҳарбий таълим



муассасалари бундан мустасно) бакалавриатига ўқиши кириши учун тегишли ўкув йилида тасдиқланадиган олий таълим муассасаларига қабул параметрларидан ташқари алоҳида қабул кўрсаткичлари доирасида танловда иштирок этиш хуқуқига эга бўлиш учун 20 ____ йил “____” ____ куни ____ серияли, ____ рақамли тавсиянома берилди.”.

42. Тавсиянома ҳарбий хизматдан резервга бўшатилаётган муддатли ҳарбий хизматчига тантанали равишда топширилади.

43. Тавсиянома бланкаси қатъий ҳисобда турувчи хужжат ҳисобланиб, ҳисобга олиш серияси ва рақами ҳамда ҳимояланганлик даражасига эга бўлади. Тавсиянома бланкалари мазкур Низомнинг 5-иловасига мувофиқ шаклда “Давлат белгиси” давлат ишлаб чиқариш бирлашмасида босмахона усулида тайёрланади.

44. Тавсиянома бланкаларининг ҳисобини юритиш ва уларнинг бутлигини таъминлаш ҳамда улардан мақсадли фойдаланиш масъулияти ҳарбий қисм командирларининг тарбиявий ва мафкуравий ишлар бўйича (соҳа йўналиши бўйича) ўринбосарлари зиммасига юклатилади.

45. Ҳар йили март-апрель ойларида муддатли ҳарбий хизматчиларга берилган тавсияномалар сони, уларнинг серия ва рақамлари кўрсатилган ҳисботлар, шунингдек тавсияномаларни олган ҳарбий хизматчилар рўйхати ва якуний йиғилиши баённомаларининг нусхалари вазирлик, давлат қўмиталари ва идораларнинг тегишли бўлинмаларига тақдим этилади.

46. Муддатли ҳарбий хизматчига берилган тавсияномаларнинг корешоклари ҳарбий қисм архивида беш йил давомида сақланади.

47. Тавсиянома эгасининг асосан йўқолган ёки яроқсиз ҳолга келган тавсиянома ўрнига ҳарбий қисм командирининг буйруғига биноан унинг дубликати берилади. Тавсиянома эгаси тавсияномани йўқотганлиги ҳақида даврий нашрда эълон қилиши ҳамда ҳарбий қисмга нашр нусхасини тақдим қилиши керак. Яроқсиз ҳолга келган тавсиянома ҳарбий қисмга қайтарилиши ва ўрнатилган тартибда йўқ қилиниши зарур.

48. Тавсияноманинг юкори ўнг бурчагида “Дубликат” деган шартли ёзув бўлган янги бланкада, асл нусхасида (корешокда) кўрсатилган маълумотлар киритилган ҳолда расмийлаштирилади. Дубликатнинг орқа томонига “20 ____ йил “____” ____ да берилган ____ -сонли тавсиянома ўрнига берилган” деган сўзлар ёзилади ва ҳарбий қисм гербли мухри билан тасдиқланади.

6-боб. Яқуний қоидалар

49. Ушбу Низом талаблари бузилишида айбдор бўлган шахслар қонун хужжатларига мувофиқ жавоб беради.

50. Мазкур Низом Ўзбекистон Республикаси Вазирлар Маҳкамаси хузуридаги Давлат тест маркази билан келишилган.

Вазирлар Маҳкамаси хузуридаги
Давлат тест маркази директори

2019 йил “25” декабр



М. Каримов



Муддатли ҳарбий хизматни ўтаётган
ҳарбий хизматчиларга ўзбекистон
республикаси олий таълим муассасаларига
ўқишга кириш учун тавсияномалар бериш
тартиби тўғрисидаги низомга
1-ИЛОВА

**Рейтинг натижаларининг ойлик
ЖАДВАЛИ**

20 ___ / ___ ўкув йилининг _____ ойи учун қисм: “_____” _____ гурухи

Т.р	Ҳарбий хизматчининг Ф.И.О. ва ҳарбий унвони	Ўкув фанларининг номи				20 ___ йилнинг ____ ойи учун ўртacha кўрсаткич
		Отиш тайёргарлиги	Тактик тайёргарлик	Умумхарбий низомлар	Маънавий- маърифий тайёргарлик	
		1	2	3	4	
1.						
2.						
3.						

“___” _____ командири _____
(Ф.И.О.)

Изоҳ: 1 – 4-устунларга вазирликлар, давлат қўмиталари ва идораларнинг хизмат фаолиятидан келиб
чиққан ҳолда ўкув фанларининг номи киритилади. Ўкув фанларининг сони ўкув тили дастуридан келиб чиқиб
белгиланади. 5-устунда барча ўкув фанларидан олинган баҳолар кўрсаткичларининг умумий тигиндиси
ҳамда ўртacha қиймати киритилади.



Муддатли ҳарбий хизматни ўтаётган ҳарбий
хизматчиларга ўзбекистон республикаси олий таълим
муассасаларига ўқишига кириш учун тавсияномалар
бериш тартиби тўғрисидаги низомга
2-ИЛОВА

**Ўртача кўрсаткичлар рейтинг
ЖАДВАЛИ**

_____ батальони, _____ взводи

20 / ____ ўқув йили

Т/п	Ф.И.О.	20__ йилнинг ____ ойи									
		Ўртача кўрсаткич	Якуний ўртача кўрсаткич								
1.											
2.											
3.											
	Кўрсаткичлар тўғрилигини тасдиқлайман	(имзо) -взвод командири (харбий унвон, Ф.И.О.)									

- “20__ йилнинг ____ ойи” устунига мазкур Низом 1-иловасининг 5-устунидаги тегишли кўрсаткичлар киритилади.
- “Якуний ўртача кўрсаткич” устунига жадвалдаги “Ўртача кўрсаткич” устунида келтирилган кўрсаткичларнинг умумий ўртача киймати киритилади.

Муддатли ҳарбий хизматни ўтаётган ҳарбий
хизматчиларга ўзбекистон республикаси олий таълим
муассасаларига ўқишига кириш учун тавсияномалар
бериш тартиби тўғрисидаги низомга
3-ИЛОВА

“ТАСДИКЛАЙМАН”
—ҳарбий қисм
командири

Рейтинг натижаларининг йиғма
ЖАДВАЛИ

20 ___/___ ўқув йили

20 ___ йил “___”

(бўлинма номи)

Т.р.	Ҳарбий унвони	Ф.И.О.	Ўқув фанларидан қўйилган якуний ўrтacha kўrsatkiчи ва қўshimcha ball miqdori	Намунали ҳарбий интизом учун балл			Умумий балл mikdori
			Ўқув фанларидан қўйилган якуний ўrтacha kўrsatkiчи	Kўshimcha ball miqdori	Kim tomoniidan raғbatlanriilgan (bуйруқ сони)	Ball mikdori	
1.							
2.							

Ҳарбий қисм командирининг
биринчи ўринbosари – штаб бошлиги _____
(имзо)

Ҳарбий қисм командирининг тарбиявий
ва мафкуравий ишлар бўйича ўринbosари _____
(имзо)

Ҳарбий қисм командирининг
жанговар тайёргарлик бўйича ўринbosари _____
(имзо)

Ҳарбий қисм командирининг
фронт орти бўйича ўринbosари _____
(имзо)

Ҳарбий қисм командирининг
куролланиш бўйича ўринbosари _____
(имзо)

Батальон (взвод) командири _____
(имзо)

Изоҳ: Мансабдор шахсларнинг лавозимлари номланиши тегишили вазирliklar, давлат қўmitalari va idoralar ҳарбий қисmlari va muassasalarinинг штат тузилишига
қўра тўлдирилади.



Муддатли ҳарбий хизматни ўтаётган ҳарбий
хизматчиларга ўзбекистон республикаси олий таълим
муассасаларига ўқишига кириш учун тавсияномалар
бериш тартиби тўғрисидаги низомга
4-ИЛОВА

“ТАСДИҚЛАЙМАН”
—ҳарбий қисм
командири

20 ____ йил “__”

(бўлинма номи)

**муддатли ҳарбий хизматни ўташ даврида муддатли ҳарбий хизматчилар
 билан ўтказилган тест синовларининг натижалари ва тўпланган балларнинг
 ЯКУНИЙ ЖАДВАЛИ**

Т/р	Ҳарбий унвони	Ф.И.О.	Жавоб варакаси раками	Тест синовлари натижалари								Тест синовлари натижалари бўйича умумий баллар микдори	
				Шу билан бирга									
				жанговар тайёргарлик бўйича		маънавий-маърифий тайёргарлик бўйича		математика фанидан		физика фанидан			
1				Тўғри жавоблар сони	Баллар микдори	Тўғри жавоблар сони	Баллар микдори	Тўғри жавоблар сони	Баллар микдори	Тўғри жавоблар сони	Баллар микдори		
2.													

Ҳарбий қисм командирининг
биринчи ўринbosари – штаб бошлиги _____
(имзо)

Ҳарбий қисм командирининг тарбиявий
ва мафкуравий ишлар бўйича ўринbosари _____
(имзо)

Ҳарбий қисм командирининг
жанговар тайёргарлик бўйича ўринbosари _____
(имзо)

Ҳарбий қисм командирининг
фронт орти бўйича ўринbosари _____
(имзо)

Ҳарбий қисм командирининг
куролланиш бўйича ўринbosари _____
(имзо)

Батальон (взвод) командири _____
(имзо)



Муддатли ҳарбий хизматни ўтаётган ҳарбий
хизматчиларга ўзбекистон республикаси олий таълим
муассасаларига ўқишга кириш учун тавсияномалар
бериш тартиби тўғрисидаги низомга
5-ИЛОВА

Тавсиянома бланкасининг намунавий
ШАКЛИ

T A V S I Y A N O M A QK 000000

_____ -yilda tug'ilgan, O'zbekiston Respublikasi
Qurolli Kuchlari safida _____ -yilning _____ oyidan
_____ -yilning _____ oyiga qadar _____ -harbiy
qismda muddatli harbiy xizmatni o'tagan _____
ga berildi.
(harbiy unvoni, familiyasi, ismi, otasining ismi)

Tavsiyanoma _____ -harbiy
qism
(harbiy qismning shartli nomi)
komandirining (boshlig'ining) 20 _____ -yil " _____ " _____
dagi _____ -sonli buyrug'iga asosan berildi.

M. O'.

(harbiy qism komandirining (boshlig'ining) unvoni, imzosi,
familiyasi, ismi, otasining ismi)

(tavsiyanoma berilgan fuqaroning familiyasi va imzosi)
20 _____ -yil " _____ "

T A V S I Y A N O M A QK 000000

_____ -yilda tug'ilgan, O'zbekiston Respublikasi Qurolli Kuchlari safida _____ -yilning
oyidan _____ -yilning _____ oyiga qadar _____ -harbiy qismda
muddatli harbiy xizmatni o'tagan _____ ga berildi.
(harbiy unvoni, familiyasi, ismi, otasining ismi)

Ushbu tavsiyanoma egasiga O'zbekiston Respublikasi Prezidentining 2012-yil 31-maydag'i
PQ-1765-son qaroriga muvofiq:

respublikaning oliy harbiy ta'lif muassasalaridagi tegishli ta'lif yo'nalishlariga
o'qishga kirishda test sinovlari natijalariga ko'ra to'plagan ballarining 50 foizi miqdorida
qo'shimcha ball shaklidagi imtiyoz beriladi;

respublikaning oliy talim muassasalari (oliy harbiy ta'lif muassalari bundan mustasno)
bakalavrliariatiga o'qishga kirishi uchun tegishli o'quv yiliga tasdiqlanadigan oliy ta'lif
muassasalariga qabul parametrlaridan tashqari alohida qabul ko'rsatkichlari ajratiladi va unga
ushbu ko'rsatkichlar doirasida tanlovda ishtirok etish huquqi beriladi.

Tavsiyanoma _____ -harbiy qism komandirining (boshlig'ining)
(harbiy qismning shartli nomi)
20 _____ -yil " _____ " _____ dagi _____ -sonli buyrug'iga asosan berildi.

Tavsiyanoma rasmiylashtirib berilgan sanadan e'tiboran uch yil muddat davomida
kuchga ega bo'ladi.

M.O'.

(harbiy qism komandirining (boshlig'ining) unvoni, imzosi, familiyasi, ismi, otasining ismi)
20 _____ -yil " _____ "

